

115 年全國語文競賽臺灣原住民族語言朗讀文章 【西群卑南語（原稱：初鹿卑南語）】 國小學生組 編號 4 號

vurasi

salaw ku sahar mekan za vurasi. anu demeru i inani mu, tu zawlay za vurasi. nu demaderu za vineraveras(kinaveras), tu zaulay za sinari za vurasi. salaw imaran nu mekan ku. nu tremawulr ku ziya za intrum(inetrum) na vurasi, ku iya'aw(aya'aw) za ulra i iyan. mukuwa ku tremima'a demeru mekan.

marekamelrimelri na vurasi harem. ulra na zemiyar; ulra na melalratr(malulu'), ulra na vulretri'. ulra na ngarus, ulra na 'amvu. maraimaramaran nu mekan ku kana 'amvu.

adaman mu, zuwa i imulri na ma'inayan kaniyam muwazangiya. penauwa za kare'a'alri mi. “ imuwa! alamu mekana ta! ” kema ku marengay(merengay) zi, mukuwa ku melaka za kaysing zi za 'aratrip. ku patariyanay za maderu i imulri zi, ku pakatrasay za zuwaya za vurasi kana maderu i itras. maziya zi tu na'una'uway na vurasi ni imulri. “ iniyani/uniyan mu za veras? ” kema kiyumalr kani inani. maherareher i inani. “ ama! kemuda ziyamaw? ” “ 'azi ku sahar mekan za vurasi. ” kema temuvang i imulri. tu 'aratripaw na vurasi kani inani zi, tu retra'anay kananku kaysing.

venavati lra i imulri “ a makiteng ku ziya. salaw mi kalramalraman. Iniyani(uniyan) mi za paisu tremima' za veras. nu piya kemangkang zatu vurasi za trau mu, kemay likuzan mi mazuk kana musama' na vurasi. niyam savesavay zi deruwaw mekan. na musama' mu, niyam kasapaw pakadawanay/pa'uninanay zi apetraw(epetraw). nu iniyani/uniyan mi za akanen/aekanan mu, mekan mi kana pinakadaw(pina'unin) na kinasap na vurasi. nu dilu' ta kemuda lra mu, ta pa'iselay melamed. harem lra, nu mena'u ku ziya za dineru na vurasi mu, payas ku paranger zaku kinamakitengan. ”

salaw sazu ku anger kantu vinavatiyan kani imulri. harem lra, 'iyanavayan lra ta kinavaawan i punapunan. nu maranger ta mekan za eman ziya mu, tu payasanay ta tremima' zata ma'iza'izangan. sazu ta akanen/aekanan harem. nu eman 'azi ta lraman za akanen/aekanan. salaw kuwatreng na kemani na kakuwayanan. kemay harem, ta lramalramanaw a akanen(aekanan), amanan na mipela'(meranaranak) za eman ziya.

115 年全國語文競賽臺灣原住民族語言朗讀文章 【西群卑南語（原稱：初鹿卑南語）】 國小學生組 編號 4 號

地瓜

我喜歡吃地瓜，煮飯時飯裡有地瓜，蒸糯米飯加上搓絲的地瓜。有烤地瓜，我一定去買來吃。地瓜有很多種，我最愛吃酥鬆的。昨天舅公到家裡，吃中餐，舅公不喜歡吃地瓜。媽媽把地瓜夾到我的碗裡。舅公說他小時候家境很清苦，沒錢買米。撿拾掉落的地瓜吃，剩下的地瓜，用搓刀搓成細細的，曬乾後收藏。沒食物時吃乾地瓜，吃膩了。

舅公的故事感知現在我們是豐衣足食，要惜物，別浪費。我家每人都愛吃地瓜，飯裡加了地瓜會多吃點。